

ونی ۳۰ کانون ثانی

۱۳ صفر سنه ۱۳۲۹

پازار ایتسی

جمعیت عامیة اسلامیة نك ناشر افکاریدر

مدیر مسئول :
مکتب قضاة معلملرندن
کلیسلی منیر

سر محرر :
فاتح مجیز درساملرندن
توقاد مبعوثی
مصطفی صبری

صاحب امتیاز :
فاتح مجیز درساملرندن
استانبول مبعوثی
مصطفی عاصم

مندرجات

دینیات
شکوۃ بهارستان طاهر المولدی
مفقرة
ترکستان فلا کنزدکانه اعانه ایدنلرک اسملری
مسابقة حمیت
آجیق مخابره لر

انفعالات نفسانیة م . صفوت
عبدالرشید افندی نك قوتقرانسه
تثقید محمد ذکی
اسلامیت ترقیات علی طیار

نسخه سی ۱ غروشددر

آبونه اجرتی (پوسته اجرتیله برابر در)

ممالک اجنبیه ایچون :
۱۳,۰۰ فرانق
۶,۰۰ »

استانبول وولایات ایچون :
برسته لکی ۵۰ غروش
التی آیلغی ۲۵ »

درج اولنمیان اوراق اعاده ایدلمز

قارنلر مزه

اکثره قالات آیات کرمه واحادیث نبویه درج ایدلمش بولندیفی نظراعتبارده آلتھرق رعایتسز لکده بواناماسی رجا اولنور .

درسمعادت

شرکت طبعیه . طبعیه سندہ طبع اولنشددر

زکات نامی آئندہ عناصرہ سائرہ بہ تشبیل ایدہ بیلہ جکمی؟ !
واقعا . . مجلس عمومی ملی، ینہ ملتک رضا و مظاهرتی
شرطیلہ فوق العادہ ویرکو طرح ایتک صلاحیتی حائزدر
حتی، بن دیہ بیلیم، کہ: ہرکسک ثروت و موقی
کوزہ نیلہرک . ایتلیدردہ . . مجلس ملی بوصلاحیتی نہ
زمانہ بکلہ تیور . بوندن دہا فوق العادہ زمانمی اولور ؟ !
امید ایتک ایستورم، کہ: انشاء اللہ اسہ ثقلالہ بوکبی
احتیاجلردن ابدیاً قوتولورز .

فکرکجہ: فقراء اہالینک ازلیلی احتمالی دہ یوقدر . .
زیرا: مثلا، روسای مأمورین ہر آی ثلثان معاشرینی
ہیچ اولمزسہ نصف معاشریتی ترک ایتدکجہ، اناطولی
وروم ایلنک فقرای رنجبرانہ بش پارہ بیلہ اصابت ایدہ مز .
رؤسای مأمورین و سائر اغنیاسز بوفدا کارانی قبول ایدنجہ
ایسہ صاف و مطیع آہالینک مسابقہ جیتدہ کیمسہدن
کری قلمیہ جقلری، سوہ سوہ، سوینہ سوینہ، وارینی
یوغنی ویرمکدن چکنیمہ جککاری عثمانیلیری طانیانلر جہ
آزادہ، اشتباہدر اونلری یالککز قلبی یا تاثیر . . شو
وار، کہ: اوزمان بو برویرکو اولور . زکات اولمز .
طوبلایان دہ حکومت اولور، دونما جمعیتی اواز . .

شو مطالبائی، احتمال قبول ایتمین بولونور . . فقط
بنم، استحصا ایتدیکم نتیجہ شسودر کہ: زکاتک دونما
امانہ سنہ ویرلمسی جائز اولسون، جائز اولسون . . تاہمین
احتیاجہ کافی اولہ ماز . . ایدیلن فداکارانہ دکہ جک قدر
فائدہ سی کورولہ مز . . اگر احتیاجمزہ بحرانمز اوقدر
مہمسہ دیدیکم شرطلرلہ ویرکو طرح ایتک ترجیح
اولونمیلدر . . یوقسہ بوکبی تدبیرلر تاہمین متصدہ کفایت
ایتدکدن بشقہ، بشریت متمدنک - آورو بانک قبا،
خشک وحشین مدینیتی مراد ایدیورم - دیو آدملر بیلہ
انسانلقدن چیتقار جہ سنہ ایلر بیلہ مکدہ اولدینی ساحہ
تعاونکریزی بیلہ مع التأسف؟ بلکہ . . ہزدہ واصل
اولہ مزہ خدمت ایدر . . فقط . . ہزم آورو بانک مالک

اولدینی کونا کون وسائط حیاتیہدن محرومیتمز ولو،
یالککز کندیمز ایچون استفادہ ایتہ مزہ مانع اولور .
ناحق یرہ، شرق مدینتک، مدینت حقیقیہ نک اوروح
نزیہ و مصفا سنی، او علویت مستثناسنی لیکدار ایتش
اولور . مہمانوازلق، غریبوازلق، تعاونپرک کبی
اسلام مدینتہ مخصوص حصائل جلیلہ یی یوق یرہ محو
ایتش اولورز، کہ: بوحا، نظرمدہ بر جہان، بر
جہان نور و ضیاء بر جہان فضلیت و انسانیت غائب ایتش
قدر تأسف آوردر، حقیقی انلری آغلایمیلدر . . صوک
سوز اولق اوزرہ عالم اسلام مؤلف عترتک، بک فاحش
ودرین بر خطای علمیلرینی حسبہ تصحیح ایتک
استیورم . عبدالرشید افندی اتحاد و ترقی جمعیتک عالم
اسلامدہ تشکل ایدن ایلک جمعیت اولدینتی ادعا ایتشدیدی .
بن دیورم، کہ: دہا اول برجوق جمعیتلر تشکل ایتشدرد .
اسلامیتک مبادی، ظهورندہ تشکل ایدن حلف الفضول
کبی، قرون اسلامیہ نک اور تہلرندہ تشکل ایدن اخوان
الصفا کبی عثمانیلر دورندہ شیخ بدرالدین سیماونیک
تشکیلنہ تشب ایتدیک جمعیت اصلاحیہ کبی . .

بیون اوغنی:

محمد ذکی

ہزدہ بر (وولتر) ظهور ایدرمی؟؟؟

بک چوق سنہلردنبری ہر دوردہ کی ارباب اتباہ برحس
وجدانسنہ زایلہ قاور و لمقدہ درکہ بوکاسب دہ تحصیل دینتمزک
شدتہ محسوس اولان لزوم اصلاحنہ قارشو لاقید قالیشمزدر
مصرک (اہرام) ندن نشان ویرن مدرسہ لریمز
ایجر یسنہ کہ بمضاً بک ذکی و بک خلوق طلبہ مزک برحس
توکل دیندارانہ و برقناعت فوق العادہ ایلہ لایزال بر
خواہش تحصیل کوسہ ترملری دخی بوحسی زمان زمان
تحمیلنا پذیر بر حالہ کتیرہرک قلب حیتی اغلا دیر !! . . بو؛

عقلیون . مادیون ، طبیعیون فرقلینک سهام سمداریله
هیچ بر فرد اسلامیتک سینۀ ایمانی جریحه دار اولمچق
قدر کسب تکمل ایلیدر !...

علم کلامده تبحر ایتش بعضی علمامز دیه بیلیرک :
اوروباده که بوکونکی (ریدیون) بزم (لادریون)
دیدیکمز ، (مادیون) ده (دهریون) (ذهنیون) ده
(افلاطون) ک صوک قبول ایتش اولدینی (مثل)
فرضیه سی طرفدارانی اولاندردر علم کلام قیامت قدر
دکیشمک بیلیمز بزم عقائد نسفیه ک حکمی الی آخر
الزمان باقیدر .

اوت : ... بو : علم کلامده فقهده فروعی اصوله
ارجاع ایدجک قدر کسب ملکه ایتش ذاتله میسر
اوله حق قدر مستقنا بر قدرت علمیه در .

ذاتاً بو ملکه کی استحصال ایدن ذوات تصنیف علومیه ده
معناسز بولور . صرفدن نحو ک نحو دن معاینک آریلش
اولدینی نظر استخفاف ایله کوریر : ... علم کلام اساساً
اعظم فقهایه رغماً الزام خصم ضرورتی سائقه سیله ظهور
ایتش بر فندرک تشکلاتی قارشوسنده کی خصمک قواعد
اسلامیه مخالف اوله رق ایراد ایتدیکی اسله واعتراضاته
تابمدر . تفسیر وحیدت کی لایتقیر و مسلم الثبوت موضوعی
بو قدر . ذات الله وصفات الله اساساً توقیفیاتدن اولمقله
علم کلامدن اوکرنیلمز علم کلامده موضوع مناقشه اولور .
و بو یوله اولسه بیله ذات الله وصفات الهی علم کلامه
موضوع عدایتک مسامحه یه مایدیر . بونلر علم کلامک
موضوع عمومی دکل بالکمز بر مبحثک موضوعیدر ...
مع هذا بز حدود کلامیه مرتی (قاضیمیر) دیسه

او قودیمز حکمت قدیمیه دخی اتساع ایدجک قدر
کنیش طوتیورز . چونکه (حکمة) ک دخی لزوم تدریس
وتدرستی الزام خصم مسئله سی احساس ایتدیرمش ایدی .
بنابرین علماء متبحرین اسلامیه دن بر ویا بر هیئت
ممتاز طرفدن قارشومزده کی معارضمک نقطه هجومه

اوله براحتیاجدرکه هوا کی ، غذا کی حیاته تعلق ایدر .
بوکونکی تحصیل دینزک بیک سینه دنبرو بوزوله بوزوله
اکنساب ایتدیکی حال هانکی صنفه منسوب اولدینی
اکلاشیله میان براحتیاله غریبه یه بکزر !! ..

اولادینی کسندیه فائق ایدمین پدر ترقی زمانک
پایمالی اولمش : شرف انسانیته نائلیدن حتی اسقاط
ایتش دینک اولدینی بر خطاب سماوی کی آفاق اسلامه
تلقین ایدن (حضرت علی) قانون تکاملی واضح کوستردیکی
حاله بوکون آباء اسلامیزی تعقیب ایتک — اوده ایده
بیلیمک — بر رجوع قهریدر !! ..

اونلر زمانلری ایچون (رجال) ایدیلر . قارشو -
لرنده بولقلری معارضینی رد نیه متوقف ایسه اهل
کوسترمیدیلر !! .. نه لازم ایسه یایدیلر ! ...

شرح هقائده (سعدالدین) ک دیدیکی کی ریاضیات
تحصیل ایدیلر : طبیعیتی اوکرتیدیلر . حتی اوقدرکه
[اسکارالافکار] صاحبی سیف الدین الآمدی وقاضی
عضدکی بعضیلری حالا اسکیمیدیلر ! ...

یک محق اوله رق بوکون بیله قاضی عضد حقنده حافظک
« دکر شهنشه دانش عضدکه در تصنیف ، بنای کارمواقف
بنام شاه نهاد » بیتده کی توصیفی قبول اولور !! ...

شرح موافقه علوم طبیعییه عائد ویریلان معلومات
بوکونکی کتب حکمیه ایله اشتغال ایدنلر ایچون بیله جداً
قیمتدار عدا اولور !! .. نقطه بومباحثک هبسی بویله شادی
بخش دکل : قسم کلیسی حزن انکیزدر !! .. مجروحدر ...
مثلاً هیئت قدیمه اساسلری اوزرینه یوردیلن تفسیر
صحیفه لری سراپا فدا ایدیلیدر ! ...

کلام : اوکنده آرتق (بریقلس) دوری یتشدیرمش
اولان ایکی بیک سنه ک یونان قدیم اوردوسی دکل بوکون
صوک سیستم آلات واجهزه حربیه ایله دونائش اوروبا
اردولری بولدینی اکلامیدر !! ..

مشائون ، ردافیون ، دکل حسیون ، ذهنیون ،

مدافعه به کافی و عصرک بوکونکی مزاج و احتیاجنه وافی برکلام کتابی یایلملیدر ! ..

عقائد نسفینک بر احمیتی وار ایسه بز شرقلیلر آره سنده کی مذاهب باطله یی رد ایتدیکی ایچون اوله بیلیر . فقط یسه حکمی الی آخر الزمان باقی اولمالیدر . یالکیز او وسائر کتیب کلامیه ادوار متوالیه و مختلفه مهم وظیفه لر اجرا ایتیش اولملریله الی الابد محترم اولمالیدر . طرابلس شام علماسندن مرحوم (حسین الجسر) ک یابدینی [الحصون الجدیدیه لحفاظة العقائد الدینه] ونیهای شرک قافله سالاری (سید جمال الدین الافغانی) نک [ابطال مذهب الدهرین] ی بوکون ازهرده اوقوتد یرلقلده اولان مرحوم (شیخ محمد عبده) نک [رساله التوحید] ی ایشله هب بو احتیاجک تسویه سنه طوغری آتیلمش آدیملردر .

مع هذا بونلر هیچ بریسی احتیاجاتمنی تماماً تأمین ایدمیز . مثلاً بوکون بلکه علماسن اره سنده هیچ بر فردک خبردار اولمدینی بر (مذهب) واردرکه اهالی اسلامیه اوزرنده اجرای تخریبات ایتکده در [ممالک عثمانیه ایله مناسبتدار اولان بو مذهب هر یردن زیاده آمریقا ده انتشار ایتکده در] . علماسنک خبری اولمتسزین افرادی اوزرنده اجرای تأثیر ایدن بو (مذهب) یالکیز بر (مذهب) اولمقدن بک بیوک بر (بهائیلک) در .

حتی بایخنمزه سرایت ایتیش اولان بو مذهب حننده عجبا هانکی عالمزک معلومات صحیحه سی واردر ؟ ؟ بونی رد دکل عجبا هانکی عالمز اسمنی دویمشدر ؟ ؟ حالبوکه بومرض مع التأسف سویلوروز مقرر خلافت اسلامیه بیه کیرمشدر .

فقه مزده دخی حال بومرکز **مدرسی** بتون ترقیات مدنییه لاقید قالمشدر . معاملات اقتصادیه هر ج ومرج اولمش ؛ اورته یه غایت منتظم ومهم برفن برفن (اقتصاد سیاسی) چیقمش بین البشر موجود اولان مناسبات بشقه

قانونلره تابع اولمش ؛ مناقلات ، مخبرات ؛ مواسلات وبالجمله معاملات دیکشمش (فن اجتماع) دیه دائره فقهیه مزدن غیر خارج دیکر بر فن الکیوک فیلسوفلری ، الکیچوق نفوذ نظره مالک حکیملرک فکر تحری ونجسسلرینی اشباعه کافی بر فن میدان آلمش ! ..

فقط بزده سیکی شیلردن قورقمه مرضی - سائقه سیله (علی افندی) فتواسی خارجه چیقلمقده بک بیوک بر کنه اولدیغنه ایمان کتیرلمش ودائره فقه اوقدر کوجولدرلمشدرکه : کافه معاملات بشریه یی الی آخر الزمان حل وتسویه به کافی اولدیغنه ذره قدر اهل ایمانک شبهه سی اولمیان فقه اساسلری عادتاً سوء ظن آلتنه الديرلمشدر ! ..

بو سوزیمزه بلکه بعض فقهایی کرائمز طرفندن هیچ برشی بیلدیکم کبی طبقات فقها درسنده یان اولدیغ سویلور .

فقط بونلرک هپسی آج اولان آدمه صبر توصیه ایتکده بکیزر ! ! ! ! !

بوکون عالم اسلامی تعصیق ایدن اعتراضات مدنییه واحتیاجات عصریه نک جهت استقامتلری کلام وفقه طوغریدر . . .

مادی معنوی ایکی احتیاج اره سنده بو نصایحی دیکلیه جک اولانلر یا احتیاجات عصریه یی حقیقه تقدیر ایتامشلردر و یا خود اوله بیلیریا ؟ ؟ بواکی علمک بوکونکی حالنک کافیلکنی تصدیق ایچون کنیدلرینه اظهار معجزه ایدلمشدر ! ! ! ! !

هر شینی ظو غوران درجه کالانه ایصال ایدن احتیاجدر ! . بوکون فقه مزک احتیاجات عصریه به کافی درجه یه تشمیلی بر لزوم قعایدکه اگر حماة دین بو احتیاجه قارشو سکوت ایدم جک اولورلر ایسه افراد اسلامیه نک هپسی احتیاجات محیطک تعصیق بیه یقین بر آتیده عصیان ایتیش بوله جقلردر ! ! ! . اوزمان هپسی کورم جکلردرکه

کنندیلرینہ چوق کوردکاری مجتهدلک رتبہ سنہ بیوک بر
صلاحیتله مالک اولمشلر !

فقط ینہ بونلرک هبسیله برابر (وولتر) ظهور
اجتیه جکدر . . بو وضعیتی کیمسه آله من . چونکه بزده
استبداد دینی یوقدر . حکومت معنویه ریاسی و بونلک
وزراء وامناسی فلان یوقدر . بزده هیچ کیمسه به الله
تعالی ایله قول آره سنه کیرمک حق ویرلماشدر . بزده
کافه افراد مساویدر . باشنسک تبهسی طراش ایدیلوب
زیتون یاغیله یاغلنن کیمسه نك حق تعالی به سائر انسانلردن
دها قریب بولندیغه اینانق بزم حسبیآزه بیکانهدر .
بزجه مساوات فطریه به خلل ویرن هر نی مدخولدر ،
مردود در ، حتی بوکون بز اورویاجه حالا معتبر اولان
اصالت عنوانلرینک حکومت طرفدن تصدیق اولمیش
بیله دویجه حیرت ایدرز ! ! ! . بونی قبیح بر عادت
اوله رق تلقی ایلرز !

بزده هیچ بر فردک هیچ بر صورتله دیگرینه
تقدیمی ایچون سبب یوقدر . نمازده امامته کچه جک کیمسه نك
بر رئیس روحانی طرفندن (تقدیس) ایدلمش اولمسی
ارانیملاز یالکیز عالم وقار اولدیغه باقیلیکه بوصفتلر
ایله تقدم اساساً قزانیمش بر حقدر . بونی نه کیمسه
ویرر ونه نزاع ایده بیلیر ایشه بونک ایچون علمامز اساساً
حدود طبیعیه نی تجاوز ایده جک بر سببه مالک اولماقلرندن
هرنه قیافتده اولورسه اولسون مالک اولدقلری حقه
استحقاق ذاتیلریله مالک و نائل اولمش اوله لریله بونلر
هیچ بروقت هدف طعن ونشنیع اوله منلر . یالکیز
مساعیلرینی عصر حاضره توفیق ایتمک لزومی اکلاماش
اولملریله کندیلری هر زمان هر فرد اسلامی طرفندن
کرك عملاً وکرك فکره ~~مخصص~~ یانه معروض قاله جقلر
ووظیفه لرینی حسن اجرا به دعوت اولنه جقلردر
باندرمه دن

شرف الدین

بین الحق

اشبو مقاله نك بعض نقطه لری محتاج تنقید اولدیغندن
کله جک نسخه مزده بوکادائر جواب یازیله جقدر .

اسلامیت — ترقیات

نه کوزل عنوان مبجل ، نهرعنا لازم غیر مفارق .
اوت ؛ اسلامیت ترقیاتی ، ترقیات مشروعیه نی آمردر ،
دها آجیق وبلا خلاف وفور دیه بیلیرمکه اسلامیت
ترقیات ایله توأمدر . ترقیمز اسلامیت تعالی ایده من .
دخواء مشروع اوزره تقویه واتحاد اسلام وجود بوله من .
عکسی حالده ده ترقی ، اسلامیتک جناح بر فلاخنده سایه
بان اوله من ، لکن شوراسیده تسلیم اولغلی درکه ترقیات
دیمک عادت و اخلاق ناقلا کی ، مقلد لکی دیمک دکل لغت و کله
قول کسینو نجیلنی اطوار جموعه جیلنی هیچ دکدر . ترقیات -
برملتک بادئ تعالی مادیمی نه به متوقف ایسه اسبابنه تشبث
ایله مکدر . مثلاً : بر قومک تعالی شوکته خدمت ایدن
اسبابک برنجیسی معارفدر . هر کسک نعمت معرفتله
دلسیر اولمیدر . بوده مدارس و مکاتب وسائر آچمتله
ووجود بولنانلره ابذال همت وعنایتله اولور . مادامکه
برملت علوم وفنون متنوعیه محتاج ، مقتدر در آلک غریق
لجئه علم و عرفان اولمسی وعلی قدر الامکان سعی تام ایلمسی
واجبه ذمت ملتدر . ضایع اولان متاع هرنه اولور ایسه
اولسون ضیاعه اوغرادیفی محله آرانور . براوطه
ایجروسنده غائب اولان نلماس بالطبع سواق قبوسی
خارجنده آرانماز . وقیله عباسیلرک ، مذاهب باطله
مزایده جیلکینک رواج قیمتی زماننده غایب علم و کمال بولنمز
ایکن جنکیز دهشت انگیز بوکالی زواله ایصال ایتمش .
لیکن شجره معرفت طوبی عین زمانده اندلسه توزیع
ساق عرفان ایتمکه باشلامشدر . بالآخره آروپا عقلا
وحکما کچینانلری دخی بو اذار کمال و ابذال بی زاولدن